

Фэрһэнгок

агат – кэвьред қимэтэ р'энг-р'энги нэ, п'ър'анийа ван сьпи у к'өмэйит' ын.

амалеки – мьлэтэк бу кө бэри зэфткьрьна Израел ль Кэнанеда дьма. Эвана гэлэ щара нэйартийа Израел дькьрьн (бьньһер'э Дэрк'этын 17:8-16; Қануна Дощари 25:17-19).

амин – жь зьмане ибрани йэ, кө мэ'на we эв э: «Р'аст э», «Бэле», «Бьра өса бэ», «Р'аст бе хельф», «Қайл ьм». Эw һынге те готьне гава йэк готьнаке дьбежэ йан дөа дькэ, йэки дьн готьна ви дьхwазэ мак кэ, қайлбуна хwэ бь готьна «амин» нишан дькэ.

амитист – кэвьрэки қимэт бу, п'ър'анийа ван сори гэ-вэз у сут бун.

амони – анэгори Дэстпобун 19:38, зөр'эта Лутэ жь қи-за вийэ бьч'ук бу. Эw т'эви Фьльстинийа нэйартийа Израел дькьрьн. Эw алийе Р'оһьлата Урдьне дьман, наве п'айт'эхте хwэ данин Амман. һ'эта ньһа жи наве п'айт'эхте Урдьне Амман э.

арами – арами бьнэлийед Араме бун. Wэде бавэ'ширед Израел алийе бакөр- р'оһьлата ч'эме Урдьнер'а дьготьн Арам, ава готи Сурйа у өса жи бак'өра Мэсопотамйа-йе, кө те готьн Паддан-Арам (Дэстпобун 25:20; 28:5).

бэре дэрэмэта пешьн – wэхте Пэймана Кэвьнда чь пеши-йе бэр к'елэндийе бьк'эта, йан һэгэр бэре р'эзе пешьн буйа, йан ньхөрийе һ'эйwанед мале, йан жи ньхөри-йе нерини һэр малэкэ Израеле чава «бэре дэрэмэта

пешын» дьһатэ һ'эсабе у Хвәдер'а дьһатэ дайине. Эва нишанэк бу кө һ'эму жи п'ара Хвәде нә (Дәрк'этын 13:14-15; 34:26; Қануна К'аһинтийе 23:17; Жьмар 18:12).

бьдолах – р'уне дарейи зэр э у гәләки бинхвәш э. Бь ви ава зьм-зьмкьрьне чедькьрын (Дәстпелун 2:12; Жьмар 11:7).

бьзна к'уви – щөр'эки бьзнайэ кө ч'ола дәминә, һ'әлал те һ'эсабе (бьньһер'ә Қануна Дөщари 12:15; 14:5).

бьхур – ширеза даре йә. Әв жь дара те һьлдане у һ'ышккьрьне. Гава те шәўьтандьне, бинәкә гәләки хвәш же те. Дәма Пәймана Кәвьнда п'арьстгәһеда сәр горигәһа бьхуре әв Хвәдер'а дьһатэ шәўьтандьне (Дәрк'этын 30). Щур'эки дарәкә бьхуре Әрәбьстанеда жи һәбу, кө гәләки қимәт бу.


бьһарәт – пунг, дарчин, мехьк у йед майинә бинхвәш. **горигәһ** – т'әхте кө ль сәр қөрбан, гори, һ'әди у хер дьһатьнә дайине йан сәржекьрьне (Дәстпелун 12:7; 22:9). Пешийе әв пе кәвьра дьһатэ чекьрьне. һена Мусада Хвәде т'әми да кө горигәһе бона Конә Шә'дәтийе



Бьзна к'уви



Бьхур



Горигәһ

жъ дара дарщевийе чекын у сьфър бьк'ышиньнә сәр. (Дәрк'әтын 27:1-8; 38:1-7).
 Қөрбан т'әне ль сәр горигәһа Коне Шә'дәтийе дьһатьнә сәржекьрьне у паше, гава п'арьстгәһ һатә чекьрьне, т'әне ль сәр горигәһа п'арьстгәһе дьһатьнә сәржекьрьне. Т'әхтәки дьн жи һәбу, жъ ви бьч'уктьр у зер'кьри. К'аһин

ль сәр ви т'әхти бьхур дьшәвьтанд, жер'а дьготын горигәһа бьхуре (Дәрк'әтын 30:1-10; 37:25-28).

дара дарщевийе – дарәкә һ'ышк у тәйах ә.

дарчин – бьһаратәкә жъ қальке дарә йә. Бина we гәләк ә у һена бәре гәләки бьһа бу. Мәрва эва т'әви бьзьре зәйт'уне дькьр, вәки бина бьзьр хвәш бә. Щарна мәрва ль хвә дьхьстьн у щарна жи бона дәфьнкьрьне дьһатә бьк'аранине (Ә'йанти 18:13). Әв бона чекьрьна р'унә р'ункьрьнейи пироз дьһата бьк'аранине (Дәрк'әтын 30:23).

дәһәк – ль гора қануна Муса зөр'әта Леви, кө шьхөле п'арьстгәһе дькьрын, ль сәр наве Хвәде дәһәка һәбуке, һасъл у дайина бәре әрде жъ щьмә'та Исраеле хвәр'а дьстандьн. Левийа дәһәка кө жъ щьмә'та Исраеле дьстандьн, жъ we дәһәка станди, дәһәк дьданә Хвәде (Қануна К'аһинтийе 27:30-32, Жьмар 18:26-28).

дийарийа бәрвадайине – дийарийа кө жъ бәр ван гөнәйед кө ль бәр Хвәде йан мәрва кьри дьһатә дайине. К'аһин ль сәр we йәкеда дьньһер'и у қимәте зийане бист сәләф зедә к'ьфш дькьр у һьнге ль зийанк'еша дьһатә вәгәр'андьне, сәрда жи йе гөнәк'ар дийари дьда (Қануна К'аһинтийе 5:14-6:7; 7:1-10).

дийарийа жорбьльндкърне – тыштэ кӧ дийари дьһатэ дайине, щарана п'ара к'аһин дьһатэ жорбьльндкърне, чава нишана кӧ бона Хвәде дьһатэ башқә кърне (Дәрк'әтын 29:27-28).

дийарийа нани – дийарийа аре хас (Қануна К'аһинтийе 2:1-3) йан нан (Қануна К'аһинтийе 2:4-10), йан жи фьрикед гәнъм (Қануна К'аһинтийе 2:14-16). К'аһин п'арәкә ван дийарийа хвәр'а һьлдьда у п'ара дьн жи ль сәр горигәһе дьшәвьтанд.

дийарийа пақьжбуне – дийари кӧ йе гӧнәк'ар жь бәр гӧнәйе хвәва бона пақьжбуне дьда. Гоште ве һ'әйwane пироз дьһатэ һ'әсабе у т'әне изьна к'аһина һәбу бьхварана (Қануна К'аһинтийе 4:1-5:13; 6:24-30).

дийарийа сәрдакърна – әва дийарийа жь тыштед р'он ә, ава готи жь р'ун, шәрәве йан әве бун. Әвана ль сәр дийарийа һәләқәтийе йан дийарийа т'әвайишәwатедә дьһатьнә кърне (Жьмар 28:14-15).

дийарийа т'әвайишәwате – әв щур'е дийарийе т'әмамия һ'әйwan пева ль сәр горигәһе дьһатэ шәвьтандьне. Ле һнәк дийарийед майин п'арәк ван дьһатэ шәвьтандьн (Қануна К'аһинтийе 1:3-17; 6:8-13).

дийарийа һ'әжандьне – әв дийари п'р'анийа щара бь сәрсинге дийарийа һәләқәтийе, кӧ п'ара к'аһин бу дьһатэ дайине. К'аһин т'әви дийаридар әв сәрсинг дьһ'әжанд, ви али-ви али дьбьр дани, ләма те готьн дийарийа һ'әжандьне (Қануна К'аһинти 14:21-24; Жьмар 6:20).

дийарийа һәләқәтийе – дийарийа һәләқәтийе кӧ ль нава Хвәде у мәрьвада дьһатэ дайине. Т'әне п'арәкә ви һ'әйwани ль сәр горигәһе дьһатэ шәвьтандьне, һәрч'е майин жи к'аһин у дийаридар дьхварьн (Қануна К'аһинтийе 3:1-17; 7:11-21, 28-36).

ефод – әва еләкәки бь дӧ п'ара сәр мьлва һәввакьри бу кӧ жь зер', р'исе шин, ширк, сорә гәвәз у жь к'тане зьрав-бадайи һатьбу чекърне. Сәрәкк'аһин әв ль хвә

дъкър. Р'эхтсинг жи пева дъкърн (Дэрк'этын 28:6-14).

Әдом, әдоми – Әдом навәки Әсаве бьре Ақуб бу (Дәстпобун 25:30; 36:8). Жь Әдом әдоми пешда һатн, әвана дьжмьне Израел бун. Вәлате Әдом ч'ийа банийед хьки-хвәлийә бе кер бун.

әмори – мьлэтәки мэзын бу кө бәри зәфткърьна Израел ль Кәнанеда дьма. һынге щарана бь наве ван т'әмамия мьләтед кәнане дьһатнә навкърьне (Дәстпобун 15:16; Қануна Дөщари 3:8-11).

әнақи – мьләтәк бу кө бәри Израел ль Фьльстине дьма. Әвана гәләки бьльнд бун у ә'савә дьһатнә готьне (Жьмар 13:22,33). Әвана ль ч'ийа банийед һеброне дьман.

зъмьр – р'унәки бинхвәш ә, жь дара те стандьне у қимәте ви бьһа бу. һынге зъмьр бона еше дьданә нәхвәша



*Сәрәкк'аһин, ефод
у р'эхтсингва*



Зъмьр

(Марқос 15:23), өса жи ль сэр щьнйазе мьрийада дькьрын, вәки бона дэфьнкьрыне һазьр кьн (Дәстпелун 50:2; Йуһ'әнна 19:39).

ибрани – навәки кәвн э у щьмә'та Израеле пе ви нави һатә навкьрыне, Браһим йе пешьн бу кө бы ви нави һатә навкьрыне (Дәстпелун 14:13). Ибрани өса жи зьман э. Щьмә'та Израел бы зьмане ибрани хәбәр дьдан. Пәймана Кәвн бы ви зьмани ньвисар э.

Израел – 1. Наве мәрвь э. Чахе Хвәде Ақубе баве мьләте Израеле бьмбарәк кьр, наведе ви кьрә Израел (Дәстпелун 32:27-28; 35:10). Чәнд нав зөр'әта Израелр'а те готьне: «Щьмә'та Израел», «Зар'ед Израел» у «ибрани». 2. Наве вәлат жи те готьне: «Израел». Бәре жер'а дьготьн: «Кәнан» (Дәстпелун 12:5; К'аред Шандийа 7:11; 13:19). Навәки дьн жи жер'а дьбежьн: «Вәлате Фьльстине». Пәй мьрна Сьлеман п'адшар'а вәлат бу дө п'ара. П'ара бакөрер'а готьн Израел, п'ара башурер'а готьн Щьһуда (1П'адшати 12:16-17).

йаспис – кәвьред қимәтә р'әнг р'әнги нә. Йасписа кө К'ьт'еба Пирозда ньвисар э к'әск йан р'әнгәки вәкьри бу (Дәрк'әтьн 28:20).

карбуңкул – кәвьрәки қимәти шин у шини-к'әск (Дәрк'әтьн 28:18).

к'аһин – жь зөр'әта һаруне бьре Муса бун. К'аһина әв горийед (қөрбанед) кө мьләте Израеле данин сәржедькьрын. Әв бона мьләте Израеле бәр Хвәде дьсәкьнин у дөа дькьрын, навчети дькьрын у хвәстьна Хвәде щьмә'тер'а дьданә әйанкьрыне. Сәрәк'аһин сале щарәке дьк'әтә щийе һәри пироз у бона гөнәһе щьмә'те гөнәһк'әwandьн дькьр (Қануна К'аһинтийе 6:8-10:20; Ибрани 6:20-8:6; Дәрк'әтьн 30:10). Мәлк'и-Садьқ жи Дәстпелунеда к'аһине дьһатә һ'әсабе (Дәстпелун 14:18-20).

Кәнан – наведе ви вәлати йә, к'ижан кө Хвәде ль гора созе хвә да мьләте Израеле, вәки бьбә вәлате ван. Әв


наве «Кэнан» һе бэри ль вьр майина мьлэте Израеле һэбу. Паше «Израел» йан жи «Фьльстин» һатэ готьне (Дэстпобун 10:19; 12:5; К'аред Шандийа 7:11; 13:19).

кэнан – мьлэтэк бу кө ль Кэнане дьма, зөр'эта көр'е һам, көр'е Нөһ бу (Дэстпобун 10:6; Жьмар 13:29).

к'эфил – (гьрəw, к'эфалэт) п'эрэ йан тыштек жь бэр тыштава дьһатэ дайине, һ'атта р'ожа пьрс сафикьрьнэ (Дэстпобун 38:17- 20).

Коне Шэ'дэтийе (Коне Щьвине) – гава щьмэ'та Израеле жь Мьсьре дэрк'эт, Хвэде сэре ч'ийайе Синайе Мусар'а гот, чава гэрэке Коне Шэ'дэтийе бе чекьрьне (Дэрк'этын 25). Гава чекьрын, р'умэта Хвэде эw щи т'ьжи кьр у Хвэде бь р'умэта хвэ шэ'дэти да у да хойакьрьне кө эw т'эви ван э (Дэрк'этын 38:21). Коне Шэ'дэтийе у Коне Щьвине (Дэрк'этын 27:21) йэк бун. Щьмэ'та Израеле ль вьр дыщьвийан. Сълеман жи Оршэлиме-да парьстгэһ дэwса веда чекьр. Коне Шэ'дэтийеда (у өса жи парьстгэһеда) тыштед пироз жи һэбун, мэсэлэ: Съндоқа Пэймана Хөдан (Қануна Дөщари 10:8), аwа готи Съндоқа Шэ'дэтийе (Жьмар 4:5).

к'оти (к'отибун) – нэхwэшик э ч'эрм э щур'э-щур'э йэ кө бэла дьбэ. Ль гора Қануна К'аһинтийе жь сэре 13-а



Коне Шэ'дэтийе (Коне Щьвине)


Һ'эта 14-а зэмане бәре һәр щур'ә нәхвәшийа сәр ч'әрм жь к'отибунева гьрти һ'эта чәнд щур'ә п'ьзька, өса жи тыштед к'эфьки һ'эрам дьһатьнә һ'эсабе. Щьмә'те бәри нәхвәшед аһа дьдан жь гөнд у бажара дәрдьхьстьнә дәр, ле һәгәр йәк қәнщ буйа, гәрәке хвә нишани к'а-һин бькьра у һ'әди бьда, вәки дәстур бьдане кө әв бьк'эта нава щьмә'те.

к'ърк'ут – (к'әвк'өрт') кәвьрәки нәрм у зәр ә кө бь алавәкә р'әнге вәкьри бь шәвқ дышәвьтә у бина we жи қәват ә (Дәстпелун 19:24; Қануна Дөщари 29:23).

Моваб, моваби – анәгори Дәстпелун 11:37, зөр'эта Лут жь қиза вийә мәзын бу. Моваби алийе р'өһьлата Ур-дөне дьман (Жьмар 21:13).

мьлйак'әт – зьмане ибрани у йунанида фә'мина we «қасьд» ә, чьмки әвана қасьдед Хвәде нә. Әвана һәйинед р'өһ'ани нә, кө һ'ьзура Хвәдеда дьминьн. Найенә дитьне һ'эта хвәха хвә ә'йан нәкьн. Мьлйак'әт қьрара Хвәде ә'лам дькьн йан жи тиньнә сери (Дәстпелун 19:1,12-15). Әвана жь алийе Хвәдеда к'ьфшкьри нә, кө мәрьва хвәйи кьн у гөһ бьдьнә ван (К'аред Шандийа 12:6-11; 27:23; Ибрани 1:14). Щарна Хвәде мьлйак'әта дьшинә щәм мәрьва, вәки тыштәки ванр'а бежә. Мьлйак'әте сәрвепе һ'әму мьлйак'әта Мьхайил ә (Щьһуда 9). Щар-щара хәбәра «мьлйак'әте Хөдан» те фә'мкьрьне кө чава Хөдан хвәха һазьр ә (Дәрк'әтьн 3:2-6).

нане Хвәдер'а дайи – (нане һ'ьзуре, нане пешбәрийе) нане пироз һена Мусада Коне Шә'дәтийеда (Коне Щьвинеда), өса жи пәй-р'а п'арьстгәһеда һәбу. Әв нан ль сәр сьфра зәр-рин «ль пешбәри Хөдан»



Сьфра нан

дһатә р'езкьрьне. һәр р'ожәкә шәмийе к'аһина донздәһ нане бе һәвиртьр'шк дьпә'тън, ль сәр сьфра зер'ин да-
данин у йед кө һ'эфтия дьнда дәвсе данин, к'аһина
йе пешийе щийе пирозда дьхварьн. Пештьри к'аһи-
на изьна т'ө кәси т'өнәбу әв нан бьхварана. Әв нан
нишанәкә Пәймана Хөдан бу, кө әв т'әви щьмә'та
Израеле бу (Қануна К'аһинтийе 24:5-9).

нәдър – (гори, қөрбан) ль гора Қануна Муса (Дәрк'әтън
13) инсан у һ'әйванед ньхөрийә нер, әв нәдъред (го-
рийед) Хвәде бун. һ'әйван дьһатьнә сәржекьрьне у
жь бәр инсенва дьһатьнә дайине. Мә'на we әв ә, кө һәр
ньхөри п'ара Хвәде бу, пироз, бөһөрти у т'айбәти, аһа
готи Хвәдер'а щөдәкьри бу (Дәрк'әтън 13:2; Луқа 2:23).

Нәщәф – бәрийа алийе башура Израеле бу (Дәстпе-
бун 12:9).


оникс – кәвьред қимәт ә, гава те бьр'ине һөндөр'да хәт
йан тәләшәд р'әнг-р'әнги к'ьфш дьбьн (Дәрк'әтън 28:9).

пәйман – (аһда, ад у қьрар) нав дө мәрвада, нав дө
к'омада, йан жи нав Хвәде у мәрвада те гьредане.
Пәйманәк нава Хвәде у Нөһда һәбу (Дәстпәбун 9:8-17),
нава Хвәде у Бьраһимда (Дәстпәбун 15), нава Хвәде у
Давьдда (2 П'адшати 7; Зәбур 89:1-37). Ль сәре ч'ийайе
Синайе Хвәде пәйманәк т'әви щьмә'та Израеле гьреда.
Ль гора ве пәймане Хвәде соз да вәки хвәха Хөдане
щьмә'та Израеле бә у ван хвәй кә, ле гәрәке Израел
жи Қануна Хвәде бьқәдинә, йа кө ви бь дәсте Муса
да. Ле Израеле гәләк щара пәйман, аһа готи Қануна
Муса дьт'әр'ьбанд. К'ьтебед щьһуйайә пирозр'а, йед кө
бәри Иса һәбун, ванар'а дьбежьн «Пәймана Кәвьн».

п'ехәмбәр – (нәби, қасьде Хвәде, қуле Хвәде, готьнбеже
Хвәде) әв инсан бун. Хвәде ванр'а хәбәр дьда, кө әв
готьна ви бьгьһиньнә мәрва (Қануна Дөщари 18:15-22).

р'әхтсинг – бәрикә щаргошәйә ль сәр синг бу. Әв чава
ефод һатә щекьрьне, жь зер', р'исе шин, ширк, соре гә-

вэз у жь к'ьтане зьрав-бадаи (Дэрк'этын 28:15-16). Гава сэрэкс'аһин дьк'этэ щийе пироз ль бэр Хөдан, эв ль сэр синге сэрэкс'аһин ефодва гьредаи бу (Дэрк'этын 28:29). Ль сэр р'эхтсинг дөндзэдһ кэвьред қимэт чар щергәһ щикьри бун, кө дөндзэдһ қәбилед Исраел дьданә к'ьфше. һндөре рәхтсингда Урим у Тумим һабун (Дэрк'этын 28:30).



р'ожа шәмийе – бона щьмә'та Исраел р'ожәкә ә'зиз (т'ай-бәти) у пироз ә (Дэрк'этын 16:23; 20:8, 11; 31:14-15). Бь избрани Шабат ә. Бь заравәки көрманщи «сәбт» ә кө жь шабате һатийә. Бона щьһуйа, шабат наве р'ожа һ'әфта йә у йа хьлазийа һ'әфтийе йә. Инийе еваре, гава р'ож дьчә ава, шабат дәстпедькә у һ'әта 24 сьһ'әта дьк'ьшинә. Ль гора қануна Муса (Дәстпелун 2:2-3; Дэрк'этын 20:8-11; 35:2) р'ожа шабатеда к'ар у хәбат нә щайиз бу бькьрана, әв р'ож р'ожа р'ьһ'әтийе у һ'әбандьне йә (Дәстпелун 1; Қануна К'аһинтийе 23:1-3).

Р'эхтсинг у п'ан'ах

сала р'ауастийе – һәр пенщи сал, сала р'ауастийе бу (Қануна К'аһинтийе 25:8-55). We сале һәр хөлам дьһатьнә азакьрьне у һәр мәрье кө ә'рде хвә фьротьбу ль ви дьһатә вәгәр'андьне, дәйн-ду дьһатьнә бахшандьне.

сала һ'әфта – һәр һ'әфт сал, шәмийа сала бу (Дэрк'этын 23:11; Қануна К'аһинтийе 25:1-7), әв сала р'ьһ'әтийе бу бона ә'рде. Әwe сале щьмә'те ә'рд бещәр нә дькьрын у чь кө ә'рде хвәсәрехвә дьда т'оп дькьрын.

сардийон – кэвьреки қимәтә соригәвәзи зәлал бу.

сэрэкк'аһин – бьньһер'э: к'аһин.

Сьндодҕа Пәймане йан Сьндодҕа

Шә'дәтийе – рөт'икә пироз бу, әв у чь кә теда бун, нишанед пәймана Хвәде т'әви мьләте исраеле бун. Чахе Хвәде сәре ч'ийе т'әви Муса п'ехәмбәр хәбәр да, һынге дәһә т'әми ль сәр дө сәлед кәвьри ньвисин данә ви. Әв пәйман Хвәде бь дәсте Муса да гьредане, бь ван сәлед ньвисар. Әв сәл, шьвдара һарун, дәрдане



Сьндодҕа Пәймане

манайе чава нишана Пәймана Хвәде ль we сьндодҕеда бун у ль щәм мьләте исраеледьһатьнә хвәйкьрьне. Әв сьндодҕ жь дарщевийе чекьри у зер'кьри бу. Гава мьләте исраеле р'еда дьчу, әв сьндодҕ хвәр'а дьбьрын. Гава дьчунә щики, әв сьндодҕ Щийе һәри Пирозда Коне Шә'дәтийеда дьма (Дәрк'әтһн 25:10-21; Ибрани 9:4).

Фьльстин – мьләте фьльстине һат башур-р'оавайа дәве бә'ра Навбәрейә. Фьльстине зәфти хвә кьр у ван һәр пенщ бажарада: Газа, Ашқелон, Ашдод, Гат' у Әк'ронедә чи-вар бун. Фьльстини у исраелия гәләк щара һәвр'а шәр' дькьрын, чьмки фьльстинийа дьхвастһн р'оһьлат зәфти хвә кьрана, исраелия жи дьхвастһн р'оава зәфти хвә кьрана. Фьльстини нәйаред исраелийәйә һәрә пеш бун, һ'әта кә Давьд әв пьрс сафи кьр, хь-лазийа ван ани (Дәстпелун 21:34; 1 П'адшатийа 8:1; 1 Дирок. 18:1).

херуб – р'өһ'бәред хвәйибаск ьн, әв щур'әки мьльйак'ә-тед Хвәде нә у һ'әйкәлед ван сәр қалп'ахе Сьндодҕа Пәймане бь баскава чекьри мина мьльйак'әта бун, кә р'умәт у диндара (һ'ьзурийа) Хвәде бәрч'әв дькьрын (Дәстпелун 3:24; Дәрк'әтһн 25:17-22; 37:6-9).

Хөдан – бь зьмане ибрани хэбэра «Хөдан» ЙһWh ньвисар э у те хвэндьне чава «Йаһwəһ». Эв навэки э'сэси йэ кө алиие Хөданд Мусава һатэ э'йанкьрыне. (Дэрк'этын. 3:14...). Наве «Йаһweһ» мьлэте щьһу бона мэзынаййа Хwэде нэ дьданэ ль сэр заре хwэ. Гава эвана К'ьт'еба Пироз дьхуньн дэwса на- ве «Йаһweһ» дьбежьн «Адонай» кө те фэ'мкьрыне «Хwэ́йе мьн».



Һусоп

һеланед жорьн – щийед һ'эбандьна мьлэте Кэнанийа бу (Qауна к'аһинтийе 26.30, Жьмар 33.52). Хөдан э'мьри мьлэте Израел кьр кө ван щийа веран кьн. Эw п'ад- ше кө эв щи веран нэкьра дьһатэ һ'эсабе чава йэки қанун т'эр'ьбанди (2П'адшати 16:4).

һусоп – дарэкэ бьч'ук э, чава луфьк бона э'дэте дин дь- һатэ бьк'аранине. К'аһина хуна қөрбанеда дькьрын у дьр'эшандьнэ сэр мэрьва, wэки эw мэрьв ль бэр Хwэде пироз бьн (Дэрк'этын 12:22; Qануна К'аһинтийе 14:4; Жьмар 19:6, 18).

топаз – кэвьрэки қимти қич'ьк э. **шэмдан** – ч'ьра һ'эфт ч'эви бу, кө П'арьстгәһәда дьшхөли (бьньһе- р'э Дэрк'этын 25:31-39).

Щэжьна Бор'ийа – эва щэжьна 1-е мәһа һ'эфта дьһатэ кьрыне (Qануна К'аһинтийе 23:24-25; Жьмар 29:1). Эw р'ожа р'ьһ'этийе у дийаридайине бу.



Шэмдан

Щэжьна Дэрбазбуне – эв щэжьна нава щьмэ'та Израелда чардәһе мәһа Нисанеда те кьрьне (ль гора салнә'ма ибрани чардәһе Нисане ньһа 1-е Апреле йә). Эве щэжьне бона биранина ве йәке дькьн, кө Хвәде чава щьмэ'та Израел жь бьндәстийа Мьсьрийа дәрхьст (Дәрк'әтһьн 12:3-14). һьнге Мьльйак'әте Мьрьне һ'әму ньхөрийед мьсьрийа, һьн инсан у һьн жи һ'әйван көштһьн, ле жь сәр малед щьмэ'та Израелр'а «дәрбаз бу» у дәст нәда жь ван т'ө кәси, нәкөшт (Дәрк'әтһьн 12:23-27). Бона ве йәке ве щэжьнер'а дьготһьн Щэжьна Дэрбазбуне.

Щэжьна Нане Шкәва – эв щэжьн ль пәй Щэжьна Дэрбазбунер'а те у жь панздәһ һ'әта бист дөдөйе мәһа Нисане те кьрьне (ль гора салнә'ма иройин жь 2-а һ'әта 9-е Апреле те кьрьне). Эва щэжьна бона биранина хьлазкьрьна мьләте Израел те кьрьне, гава мьләте Израел жь бьндәстийа Мьсьрийа дәрк'әт у чу ви вәлате кө Хвәде дабу ван. Эве щэжьнеда һ'әфт р'ожа нане шкәва (бе һәвиртьр'шк) те хварьне (Дәрк'әтһьн 12:15-20; 13:3-10).

Щэжьна Р'ожа К'әwandьне – бона щьмэ'та Израеле р'ожа һәрә ә'зиз у пироз бу (Йом Киппур бь ибрани). Сале щарәке п'арьстгәһеда Сәрәкк'аһин жь бәр гөнәйед хвә у щьмә'тева бона пақьжбуна п'арьстгәһ у горигәһе хуна һ'әйвана п'ешк'еш дькьр у дьк'әтә Щийе һәри Пироз (Дәрк'әтһьн 30:10; Қануна К'аһинтийе 16:1-34; 23:27; Ибрани 9:6-7).

Щэжьна һ'әфтийа – (Щэжьна Нандьруне – Дәрк'әтһьн 23:16) Хвәде т'әми да щьмэ'та Израел, кө р'ожа пашьнә пәй дәстпебуна Щэжьна Дэрбазбунер'а һ'әфт һ'әфтийа һ'әсаб кьн



Бор'и



Qар'итк

у р'ожа пенци щэжьнаке жи бькьн. Ве щэжьнеда чь кӧ жь дэрэмәтед ван (дэхьлед ван) пешийе дьк'этэ бэр к'елэндийе, данин п'ешк'еши Хвәде дькьрьн (Qануна К'аһинтийе 23:15-21; Жьмар 28:26- 31). Пәймана Нуда ве щэжьнер'а дьготьн Р'ожа Пенцийә һ'әсаб, ава готи Пентекост. Чьмки бь зьмане йунани фә'мина Пентекост «пенци» йә (К'аред Шандийа 2:1-41).

Щэжьна Һ'олькчекьрне – һәр сал пайизе жь 15-а һ'ә-та 21-е мәһа Тышрийе йә (ава готи йәке Октябрье). Щьһу дьчун сәр р'езед хвә, һ'ольк чедькьрн у ванда



Qотьк



Qьрде Мьсьре

Һ'эфтеке дьман. Щьһуйа эв йэк дькьр, вэки бир банина, кө чава Муса п'ехэмбэр мьлэте Израел жь Мьсьре дэрхьст у эв һ'олькада ман (Қануна К'аһинтийе 23:33-36, 39-43; Қануна Дөщари 16:13-15).

қар'итк – ч'ьвикэкэ бьч'ук э кө дьреж нафьр'э. Хөре ван т'охьм у меш-мор ын. Эвана һелунед хвэ ль сэр әрде чедькьн (Дәрк'әтьн 16:13; Жьмар 11:31-32).

қотьк – һ'әйванэкэ пьч'ук э, кө ч'оле нава к'эвьрада дьминә. Әв нә һ'әлал бу (бьньһер'ә Қануна К'аһинтийе 11:5; Қануна Дөщари 14:7).

қьрде Мьсьре – щөр'әки тәйре нә һ'әлал бу (бьньһер'ә Қануна К'аһинтийе 11:18; Қануна Дөщари 14:17).